



Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. III. Ab astrologorum & genethliacorum divinationibus, se nec à Vindiciano, nec à Nebridio avocari potuisse.

urn:nbn:de:hbz:466:1-10120

Iutem aliis persuadendam. Ait autem S. D. se Rheticam *vendiisse*, quia pro mercede & salario docebat : unde saepius se, & alios conductios Professores verborum *venditores*, discipulos vero *emptores* vocat.

b Non ex tua castitate) alii legunt non ex tua caritate , fortassis rectius, ut suadent verba sequentia : non enim amare te noveram ; quia tamen vera religio est quædam castitas animæ, amplectentis verum Deum sponsum suum , prior quoque lectio ferri potest : ut sensus sit , se non ex vera religione sacrificium aruspicis rejecisse, sed eo potius errore, quo vetabantur Manichæi ullum animal occidere, ne offendarent principes tenebrarum , à quibus omnem carnem dicebant originem trahere , teste S. D.

Hæresi 45.
ad Quod-
vult
Deum.

V S V S.

1. Elucet bona indoles in Augustino quantumvis impio ; hæc illum incitabat , ut discipulos bonos sibi & aliis facere studeret ; deinde, ut fidem thorî servaret etiam concubinæ. Vnde apparet eum natura ad benefaciendum aliis , & fidem servandam propensum fuisse. Sine qua indole qui impii sunt, vix ullam emendationis spem faciunt : malignus enim animus, & perfidus, bonorum admonitionibus non movetur , nec divinis inspirationibus facile mollitur.

C A P. III.

Ab astrologorum & genethliacorum divinationibus, se nec à Vindiciano, nec à Nebradio avocari potuisse.

2. Ideo illos planetarios , a quos mathematicos vocant, plane consulere non desistebam , quod quasi eis nullum esset sacrificium , & nullæ preces ad aliquem spiritum , ob divinationem dirigerentur , quod tamen christiana & vera pietas , consequenter re-

ter repellit & damnat. Bonum est enim confiteri Ps. 91, 2.
ibi Domine & dicere, Miserere mei, cura animam Ps. 40, 5.
meam, quoniam peccavi tibi; neque ad licen-
tiam peccandi abuti indulgentia tua, sed
meminisse dominicæ vocis: Erce sanus factus ^{Io. 5, 14.}
es, jam noli peccare, ne quid tibi deterius contingat.
Quam totam illi salubritatem interficere
conantur, cum dicunt: de cœlo tibi est ine-
vitabilis causa peccandi, & : Venus hoc fe-
cit aut Saturnus, aut Mars: scilicet, ut ho-
mo sine culpa sit caro & sanguis, & superba
putredo: culpandus sit autem cœli ac sive-
rum creator & ordinator. Et quis est hic,
nisi Deus noster, suavitas & origo justitiae,
qui reddeſ unicuique secundum opera ejus, & cor ^{Mat. 15, 9.}
contritum & humiliatum non spernis? ^{Pſ. 50, 19.}

2. Erat eo tempore b' vir sagax medicinæ
artis peritissimus, atque in ea nobilissimus;
qui proconsul, è manu sua c' coronam illam
agonisticam imposuerat non fano capiti
meo, sed non ut medicus. Nam illius mor-
bi tu sanator, qui resistis superbis, humiliibus an- ^{Iac. 4, 6.}
tem das gratiam. Nunquid tamen etiam per ^{1 Petr. 5,}
illum senem defuisti mihi, aut destitisti me-
deri animæ meæ? Quia enim factus ei eram
familiarior, & ejus sermonibus (erant enim
sine verborum cultu, vivacitate sententia-
rum jocundi, & graves) assiduus & fixus in-
hærebam: ubi cognovit ex colloquio meo
libris genethliacorum esse me deditum, be-
nigne & paterne monuit, ut eos abjicerem:
neque curam & operam rebus utilibus ne-
cessariam, illi vanitati frustra impenderem:
dicens ita se illa didicisse, ut ejus professio-
nem primis annis ætatis suæ deferre voluif-
set, qua vitam degeret: & si Hippocratem

E 4 intel-

intellexisset, & illas utique literas potuisset intelligere: & tamen non ob aliam causam postea illis relictis medicinam assecutum, nisi quod eas falsissimas comperisset, & nollet vir gravis decipiendis hominibus vixum querere. At tu, inquit, quo te in hominibus sustentas, Rheticam tenes: hanc autem fallaciam libero studio, non necessitate rei familiaris sectaris; quo magis mihi te oportet de illa credere: qui eam tam perfecte discere elaboravi, quam ex ea sola vivere volui.

3. A quo ego cum quæfissem, quæ ergo causa faceret, ut multa inde vera pronuntiantur? Respondit ille, ut potuit, *d* vim fortis hoc facere in rerum natura usquequam diffusam. Si enim de paginis poëtæ cùjuspam longe aliud canentis, atque intendentis, cum forte quis consuluit, mirabiliter consonus negocio sæpe versus exiret: mirandum non esse dicebat, si ex anima humana superiore aliquo instinctu, nesciente quid in se fieret *e* non arte sed sorte sonaret aliquid, quod interrogantis rebus factisque concineret. Et hoc quidem ab illo, vel per illum procurasti mihi: & quid ipse postea per meipsum quererem, in memoria mea delineasti. Tunc autem nec ipse, nec carissimus meus Nebridius, adolescens valde bonus, & valde cautus, irridens totum illud divinationis genus, persuadere mihi potuerunt, ut hæc abjicerem; quoniam me amplius ipsorum autorum movebat autoritas: & nullum certum, quale quærebam, documentum adhuc inveneram, quo mihi sine ambiguitate appareret, quæ ab eis consultis

vera

vera dicerentur, forte non arte inspectorum siderum dici.

N O T A E.

- a *Quos Mathematicos vocant*) intelligit eos, qui ex astris de moribus & factis hominum certa praedicere laborant, & ex situ cæli quem sidera obtinent, cum infans nascitur, ejus fortunam prosperam, sive adversam, vitia & virtutes, item mortem, non minus vane quam impie vaticinantur. Quos alio nomine appellamus *genethliacos*, quia observant sidera natalitia, item *Astrologos judiciarios*, & *Planetarios*, quia ex astris judicium ferunt de futuris. Contra quos S. D. in lib. 7. c. 6^a fra, & lib. 5 de civ. Dei, ac alibi luculenter differit. Damnantur una cum suis libris in jure Canonico, cap. 2. de sortileg. in Concil. Trident. Indice libr. prohib. reg. 9. item peculiari Bulla Sixti I V. contra Astrologos. Item in jure Civili, ubi malefici & Mathematici conjunguntur. Nostra I. 9. Cod. autem ætate Mathematicorum nomen absolute possum significat Arithmeticæ, Geometriæ, Astrologiæ licetæ peritos & studiosos, quæ disciplinæ jam olim ab antiquis dicebantur Mathematicæ.
- b *Vir sagax, & medicinae artis peritißimus*) ejus nomen inf. exprimit, & Vindicianum appellat, lib. 7. c. 5^a ideoque in capitibz summaribz id expressi.
- c *Coronam illam agonisticam*) quam certaminis theatri & poëtici victoria promeritus erat. Eam illi Vindicianus proconsul amoris & honoris, imo & moris ergo imposuit. Vocat agonisticam, quia ἀγών græce est certamen, unde agonisticus derivatur.
- d *Vim sortis hoc facere, &c.*) si præter casum aliud intellexit Vindicianus, ipse quoque erravit. Est autem casus *eventus rarus*, qui præter intentionem natura accidit, ut colligitur ex Aristotele. Quod ergo Astrologi verum subinde dicunt, ex casu est, sive sorte, dum aliquis eventus conjungitur per accidens cum tali siderum positura, quæ ad eum efficiendum vim nullam, aut certe non infallibilem habet. Esse vero hos eventus plane casuales id convincit, quod mendacia Astrologorum,

1.4 disqui-
fit. c. 3, q.
1.
1.5 deciv.
c. 7. & l.
2 de doct.
Christ. c.
22, & 23.

rum, sint multo plura veris prædictionibus ut docet Delrius. Quinimo cum vera dicunt, id vel provenit ex occulto pacto cum dæmone, vel quia id Deus permittit in pœnam curiositatis nostræ, aliorumque peccatorum, quod censuit aliibi S. D.

V S V S.

1. Causam indicat S. D. ob quam vel maxime detestari debemus divinationem planetariam, quia dum sidereo quedam fato, libero arbitrio necessitas imponitur, peccata in siderum autrem retorquentur: quasi ipse per sidera sua cogat ad peccandum, qui per præcepta sua prohibet peccata.
2. Animadverte mirabilem divinæ bonitatis sapientiam, qua electos suos è peccatorum cœno paulatim educit, infigendo subinde stimulos per dicta hominum sapientum & proborum: quæ et si non moveant, cum dicuntur, post dies, menses, & annos demum aliquot, vim suam exerunt. Ita S. D. Vindiciani admonitione delineatum sive inchoatum in se Astrologicæ divinationis contemptum fatetur.

C A P. IV.

Dum Tagastæ Rheticam docet, amici quem immoderate diligebat, morte, in luctum incredibilem conjectus est.

1. IN illis annis, quo primum tempore in municipio, quo natus sum, docere cœperam, comparaveram amicum societate studiorum nimis carum, coævum mihi, & conflorentem flore adolescentiæ. Mecum puer creverat, & pariter in scholam ieramus, pariterque iuseramus. Sed nondum sic erat amicus, quanquam ne tunc quidem, sicuti est vera amicitia (quia non est vera, nisi